

2. ԱՎԵՏԻՍՅԱՆ, Հայկական Հարցը 1918 թվականին, Երևան, «Բարձրագույն դպրոց» հրատ., 1997, 436 էջ:

ՀՀ ԳԱԱ ակադեմիկոս Հրանտ Ավետիսյանի այս աշխատության մեջ քննարկվում են Բրեստ-Լիտովսկի, Տրապիզոնի, Բաթումի կոնֆերանսներում Հայաստանին և Հայկական հարցին վերաբերող հիմնական դիրքերը, Բեռլինում, Վիեննայում, Կոստանդնուպոլսում Հայոց Ազգային հորհրդի և Հայաստանի առաջին հանրապետության պատվիրակությունների գործունեությունը, հայ-գերմանական, հայ-ավստրո-հունգարական, հայ-թուրքական և հայ-ռուսական հարաբերությունները, հայերի մայիսյան հերոսամարտները, Բաթլի պաշտպանությունում հայերի դերը արտաքին հարցերում Գրանց լուսարանում կատարվել է Երևանի, Մոսկվայի, Բուդապեշտի, Վիեննայի արխիվներում պահվող փաստաթղթերի և նյութերի ուսումնասիրության և վերլուծության հիման վրա: Հարկ է ասել, որ փաստաթղթերի ու նյութերի մեծ մասը շրջանառության մեջ է դրվում առաջին անգամ: Գրքում լայնորեն օգտագործվել է նաև գիտական և հուշագրային գրականություն, փաստաթղթերի ժողովածուներ, տվյալ ժամանակի մամուլը:

Աշխատությունն ունի նաև ժամանակակից հնչեղություն: Գրքի հեղինակը իրավացիորեն մատնանշում է, որ մեր օրերում էլ թուրքական պատմագիտությունը, փոխ առնելով համիդական, Լեհտերաբական ու քեմալական քարոզչական մեքենայի վարկածները, խեղաթյուրելով և կեղծելով փաստերը, նենգափոխում է Հայկական հարցին վերաբերող խնդիրները: Ավելին, հրեշավոր ոճադրությունը՝ Մեծ նդեռը, մատուցում է որպես հայ ժողովրդի ազգային-ազատագրական շարժումների հետևանք: Թուրք վայ-պատմաբանները և շատ բարձրաստիճան գործիչներ պնդում են, որ եթե չլինեին այդ շարժումները, չէին լինի կոտորածները: Առաջ քաշելով «Կովկասյան տուն» պանթուրական հանցավոր ծրագրերը, նրանք բարոյում են այն միտքը, որ Հայաստանը պետք է հեռանա Ռուսաստանից և կապվի Թուրքիայի հետ, որ հայերը պետք է մոռանան անցյալը: Ի պատասխան սրան աշխատության հեղինակը գրում է. «Մոռանալ անցյալը, հրաժարվել, դրվել պատմական հիշողությունից, նշանակում է կորցնել հավատը արդարի

նկատմամբ: Պետք է մենք հստակորեն ասենք, որ հայերի կոտորածները Ոսմանյան Թուրքիայում եղել են օսմանիզմի, համաթուրքիզմի, երիթթուրքերի հայաջինջ քաղաքականության հետևանք, որ ֆիդայական և կամավորական շարժումները հայ ժողովրդի պատմական տենչերի ու ազգային ազատագրական ձգտումների, բռնության դեմ ցասման ինքնարոխ արտահայտությունն են, քաղաքական և սոցիալական ազատագրության ազգային (էջ 25): Ուսումնասիրության սկզբում նորահայտ փաստաթղթերով ու նյութերով ցույց է տրված Ռուսաստանում ինքնակալության տապալումից հետո ժամանակավոր կառավարության ղիբորոշումը Հայկական հարցում: Ժամանակավոր կառավարության 1917 թ. ապրիլի 25-ի (մայիսի 6) որոշմամբ Արևմտյան Հայաստանի համար հաստատվում էր նոր կարգավիճակ, որով տարածքի կառավարման կոմիսար էր նշանակվում զենեքալ Ավերյանովը, տեղակալ՝ հայ ազգային գործիչ Հակոբ Զավրիյանը: Գրքում բերված է ուղղմական և ծովային նախարար Ա. Կերենսկու մտահղությունը ռուսական զորքերը այդ տարածաշրջանում թողնելու վերաբերյալ: «Մենք չենք կարող հեռանալ Հայաստանից, որովհետև այդ ժամանակ Հայաստանից ոչինչ չի մնալ: Նա կկորչի քրդերի ու թուրքերի հրի ու սրի տակ» — նշել է նաև Նման մոտեցումը պաշտպանում էր նաև Գ. Պլեխանովը (էջ 18): Գրքում հանդամանորեն լուսարանված է հայ ազգային կուսակցությունների ղիբորոշումը: Հեղինակը բարձր է գնահատում «Թուրքահայաստանի մասին» Ռուսաստանի ժողովման հրավարտակը՝ «Հրավարտակի ընդունումը փաստորեն 1915 թ. Արևմտյան Հայաստանում, Կիլիկիայում, Ոսմանյան կայսրության հայաբնակ վայրերում թուրքական ոճադրածների իրականացրած հայերի ցեղասպանության դատապարտում էր: հորհրդային Ռուսաստանը հայտնում էր իր կամքը՝ օգնել հայրենի տնից բռնի ուժով տեղահանված և արքայված հայ ժողովրդի տառապյալ ընկրներին վերադառնալ Երկիր, ստեղծել անկախ ժողովրդավարական հայկական պետականություն» (էջ 73): Ի դեպ այդ մեծ փաստաթղթի մասին իր ծանրակշիռ խոսքն է ասել զորավար Անդրանիկը: Նա

ժողովուրդի հրովարտակը բնութագրել է որպես «արդարության և բազարական անկեղծության արոսահայտություն»:

Համակողմանիորեն բացահայտված են Բրեստ-Լիտովսկի հաշտության հետ կապված կարևոր լարյունները: Հաշտության բանակցությունները հորհրդային Ռուսաստանի և բաղյակ զաշխրի երկրների՝ Գերմանիայի, Ավստրո-Հունգարիայի, Բուլղարիայի, Թուրքիայի միջև սկսվեցին զերմանական զորքերի կողմից զրավված Բրեստ-Լիտովսկում 1917 թ. զեկտեմբերի 22-ին և անցնելով երեք փուլ, ավարտվեցին 1918 թ. մարտի 3-ին:

Բանակցությունների առաջին փուլում Ռուսաստանի պատվիրակության կազմում էին Ա. Իոֆֆեն (ղեկավար), Լ. Կամենև, Ա. Բիցենկո, Մ. Պեկրովսկին, Լ. Կարախանը (բարտուղար), Մ. Պավլովիչը (խորհրդական): Գերմանիայի պատվիրակությունը զլիավորում էր արտաքին զործերի նախարար Ֆոն Քյուլմանը, Ավստրո-Հունգարիայինը՝ արտաքին զործերի նախարար Օ. Ջերինը, Բուլղարիայինը՝ արզարադատության նախարար Պոպովը, Թուրքիայինը՝ մեծ վեզիր Բալևաթ փաշան: Խորհրդային կողմը առաջարկում էր հաշտություն առանց տարածքների բռնազավթման, չախան բաղյակ զաշխրը նպատակ էր զրել Ռուսաստանից մեծ տարածքներ խլել Արևմուտքում և Կովկասում: Նկատի էր առնվում Թուրքիային բռնակցել հայկական վազնչական հողերը՝ Կարսն ու Արզահանը:

Բանակցությունների երկրորդ փուլը սկսվում է 1918 թ. հունվարի 9-ին և շարունակվում է մինչև փետրվարի 10-ը: Խորհրդային պատվիրակության զեկավարը Լ. Տրոցկին էր: Խորհրդականի կարգավիճակով Վ. Ի. Լենինի ստորագրությամբ մանդատ էր ստացել Վ. Տերյանը, որը համապատասխան նյութեր պետք է ներկայացներ Հայկական հարցի վերաբերյալ:

Հաշտության բանակցությունների երկրորդ փուլի ավարտից երեք օր անց, 1918 թ. փետրվարի 13-ին թուրքական զորքերը ուխտազրուծ հարձակման անցնելով զրավում են Նրզենկան, այնուհետև Բաբերդը և այլ հայկական տարածքներ: Բրեստ-Լիտովսկի բանակցությունների երրորդ փուլը սկսվում է 1918 թ. մարտի 1-ին: Խորհրդային պատվիրակության զեկավարը Գ. Սոկոլնիկովն էր: Պատվիրակության կազմում էին Գ. Պետրովսկին, Գ. Ջիլերինը, Լ. Կարախանը, Ա. Իոֆֆեն, Ընդամենը մի քանի օր տնած այդ փուլն ավարտվեց նրանով, որ 1918 թ. մարտի 3-ին ստորագրվեց բացահայտ անարդարացի պայմանագիրը: Գրանով Կարսի և Արզահանի տարածքները

անցնում էին Թուրքիային: Վերլուծելով այն, ինչ կատարվեց 1918 թ. մարտի 3-ին, Լ. Տրոցկին ասել է, որ «Բրեստի զաշխրոր աղետ է հայ ժողովրդի համար և երջանիկ եմ, որ ևս ստիաված չեղա ստորագրել զա» (ԼԶ 101):

Բրեստ-Լիտովսկի հաշտության պայմանագրի ստորագրումից հետո սկսվեցին նոր բանակցություններ, որոնք տեղի ունեցան Տրայիդոնում: Բանակցությունների սկսվելուց 7 օր առաջ, 1918 թ. մարտի 8-ին օսմանյան կառավարությունը՝ ի զեմս էնվեր փաշայի, Անտրեվկայայան կառավարություններից պահանջեց անհապաղ զորքերը զուրս բերել Բաթումից, Արզահանից, Կուրսից: Նույն ժամանակ Վեհի փաշան 1-ի հայտարարեց, որ օխեղճա մուսուլմաններին հայերի «զազանություններից» փրկելու համար պետք է ռորքան նարավոր է առաջ ձեռնարկել այդ շրջանների ազատագրումը» (ԼԶ 112): Ինչպիսի՝ կեղծիր: Ով ահա այդպիսի միջնորդում, 1918 թ. մարտի 12-ին Տրայիդոնում տեղի ունեցան թուրքական և անզրկովկասյան կառավարությունների առաջին հանդիպումները: Պաշտոնական նիստերը սկսվեցին մարտի 14-ին, սակայն թուրքական թեւազրանքի և թուրքական զորքերի՝ Անզրկովկաս ներխուժելու սպառնալիքի պայմաններում համաձայնության հասնելը անհնարին էր, ուստի Սեյմը որոշեց անզրկովկասյան պատվիրակությանը հետ կանչել Թիֆլիս: Տրայիդոնի բանակցություններն ընդհատվեցին:

Գրքում ցույց է տրված Հայկական առանձին բանակային կորպուսի կազմավորման զործերից, լուսարանված են հայ ազգային կազմակերպությունների ներկայացուցիչների Ալեքսանդրապոլի խորհրդակցության նյութերը: Հեղինակը քննարկել է Անզրկովկասի տեկախության հռչակման հանդամանքները, երիտթուրքերի և մուսաֆաթի խժզությունները երկրամասում:

2. Ավետիսյանը իր մենագրության մեջ կարևոր տեղ է հատկացրել հայության մայիսյան հերոսամարտերին, Հայաստանի առաջին հանրապետության ձննդին և Բաթումի պայմանագրին: Բնութագրելով Բաթումի կոնֆերանսը (1918 թ. մայիսի 11-ից մինչև հունիսի 4), իրավացիորեն նշում է, որ այնտեղ տեղի ունեցած բանակցությունները, ընդունված փաստաթղթերը նորից հաստատեցին այն ճշմարտությունը, որ համաշխարհային պատմության մեջ զրեթև չկա մի պետություն, որն այնքան զաշխառն լինի ինչպես Ոսմանյան կայսրությունը: Բաթումի բանակցություններում Գերմանիայի պատվիրակությունը զլիավորում էր զենեբալ Ֆոն Լոսովը, օսմանյան պատվիրակությունը՝ Հալիլ Բեյը, Անզրկովկասյան Հան-

րապետության պատվիրակությունը՝ Ա. Զխենկելին (պատվիրակության կազմում էին նաև Հ. Քաջազնունին և Ա. Խատիսյանը)։ Բնութագրելով Բաթումի բանակցություններն ու պայմանագրերը, նշվում է, որ այսպես կոչված «անկախության, բարեկամության, հավերժ խաղաղության» հավակնող այդ փաստաթղթով հայերին էր թողնվում հայրիվ 9 հազար քառակուսի վերստ տարածություն Արադածի և Սեանի միջև։ Դրանով Թուրքիան տիրապետող դիրք էր զբաղում Անդրկովկասում, և նպատակ ուներ բացարձակ կողոպուտի ենթարկել Կովկասը ու հասնել հայերի բնաջնջմանը ամբողջ Անդրկովկասում։ Թուրքական կողմը բանակցությունները համարում էր հարցի լուծման մի մասը։ Թուրքական զորքերը շարունակում էին իրենց սանձարձակ հարձակումները հայկական քաղաքների ու գյուղերի վրա։ Արդեն 1918 թ. մայիսի 15-ին նրանք զբաղվել էին Ալեքսանդրապոլում Այդ ժամանակ, ինչպես գրում է հեղինակը, «գաժան փորձությունների դիմակայած, պատմության բառուղիներում իր ինքնությունը, լեզուն, մշակույթը, պատիվն ու ազդային ինքնադիտակցությունը և ինքնաճանաչումը պահպանած հայ ժողովուրդը այլևս նահանջելու տեղ չուներ» (էջ 213)։

Գրքում նորահայտ փաստերով լուսարանված են հայերի մայիսյան հերոսամարտերը։ Պատասխան է տրվում այն հարցին, թե ինչու՞ զորավար Անդրանիկը անմիջականորեն չմասնակցեց այդ հերոսամարտերին և կոնկրետ՝ Ղարաբաղիսայի հերոսամարտին։ Հեղինակը բերում է Հ. Բումանյանի հետևյալ փաստարկը. «Ղարաբաղիսայի անկման օրից սկսած» անդադար մարդիկ են պատահում, որոնք դատապարտում են Անդրանիկին, որ Ղարաբաղիսայի ժամանակ նա՝ բոլոր ուժերով, մնաց չնայած մոտիկ Դսեղ նստած, մինչդեռ եթե օգնության հասներ Դավալից, պատերազմը բոլորովին ուրիշ էլ կունենար։ Այո, միանգամայն ճշմարիտ են ասում, ու եթե Անդրանիկը կոչու կողմից՝ Դավալից օգնություն հասներ, պատերազմը, անկասկած, ուրիշ էլ կունենար։ Սակայն բոլոր խոսողները մի բան չգիտեն, որ հենց կայսր և իմպերատոր էր և կատարվելու վրա էր, երբ գինվորական բարձր հրամանատարությունից հրահանգ եկավ Անդրանիկին մնալ Դսեղ և պաշտպանել երկաթուղու գիծը։ Մինչև ևս հրամանը փոխվեց՝ արդեն 3-րդ օրն էր և գրեթե միաժամանակ, եկավ Ղարաբաղիսայի անկման քոթը» (էջ 233—234)։

Մենադրության վերջին գլխում՝ «Հայկական հարցը 1918 թ. երկրորդ կեսին», պարզաբանված է Հայաստանի Առաջին Հանրապետության

պատվիրակությունների բուռն զործունեությունը Բեռլինում, Վիեննայում և Կոստանդնուպոլսում։ Բեռլինում մնալով մոտ 5 ամիս (1918 թ. հունիսի 3-ից մինչև նոյեմբերի սկզբները) հայկական պատվիրակությունը 12 հուլիսի է ներկայացնում Գերմանիայի արտաքին գործերի նախարարությանը, 9-ր հուլիսի՝ Ավստրո-Հունգարիայի արտաքին գործերի նախարարությանը։ Պատվիրակությունների աշխատանքներում նեղողովակել էին Հայկական հարցի դիտակետ Գրինֆիլդը, Մարկվառտը, Արսելֆելդը, Ռիխտերը, Եվեյնգարիայում գտնվող Ա. Բ. սահակյանը և ուրիշներ։ Անհերքելի փաստերով դրրում մերկացվում են երիտթուրքերի և մուսավաթի հակահայկական ոճրագործությունները Անդրկովկասում։ Ցույց են տրվում պանթուրական հանցավոր ծրագրերի իմաստն ու ուղղությունները, մեղքերված են թուրք հեղինակի հետևյալ խոսքերը՝ տպագրված «Հիլալու» Ահմեդ Բերթում (1918 թ. հունիսի 29-ին)։ «Ուզում եմ մի բանի խոսք ասեմ այն երկրի մասին, որի զորքը չի տարրերվում թուրքերի զոռից։ Դա Կովկասում Ազոբեյանն է՝ «Ազոբեյանի հանրապետությունը» կամ ավելի ճիշտ ասած՝ «թուրք թագավորությունը Կովկասում» (էջ 282)։

Հեղինակի աչից չի վրիպել հայերի մասնակցությունը Բաքվի պաշտպանությանը և այլ խնդիրներ։ Առանձին հետադրություն են ներկայացնում պատմական էքսկուրսի վրա հիմնված այն մեկնարանությունները, որ տրվել են Սերի, Ալեքսանդրապոլի, Մոսկովյան պայմանագրերին և այլ իրադարձություններին, որոնք հասցվում են մինչև 1945 թ. Պոստամի կոնֆերանս, ուր խորհրդային պատվիրակության կողմից առաջ բաշվեցին 1921 թ. Հայաստանից խլված տարածքների վերադարձման հարցերը։

Մենադրության մեջ ընդգծված է հայերի բուստիկ կողմնորոշման կառույց, առաջադիմական նշանակությունը հայ ժողովրդի ճակատագրում։

Հրանտ Ավետիսյանի աշխատությունը նոր, լուրջ ավանդ է Հայկական հարցի դիտական լուսարանման գործում։ Այս արժեքավոր աշխատությունը եզրափակվում է Մեծ Ռաֆֆու իմաստուն խոսքերով. «Պատմությունը մի վտրդաատարան է; որի մեջ ապագա սերունդը կրթվում է, զգուշանալով իր նախնյաց սխալներից և հետևելով նրանց լավ գործերի օրինակներին»։

Պետմ. գիտ. դոկտոր Ս. Ս. ՍՏԵՓԱՆՅԱՆ